

書



廣陵先生文集目錄

卷第五

卜居

聞哭


養賢

送李公安赴舉

離高郵答謝朱元弼兼簡崔伯易

東園贈周翊

龍角歌和崔公度伯易



春人

送贈王平甫

以陽思婦書寄女兒

大舟

小雨

望花有感

餓者行

世言

暨陽居四首

寄題宣州太平縣衆樂亭

謝客二首

春遊

遊江陰壽寧寺

賦黃任道韓幹馬

甲午雪

廣陵先生文集卷第五

卜居

吾求一屋逮兩月貧不謀貴一本何以圖竭來

自放就窮巷幸得之喜何敢吁顏簷斷柱不相

締尾墮散地梁架虛門無藩闌戶不閉時犬

鼠入自居主人憐我莫自致為我補葺加垣塗

翻、匠氏乃誰子頡頏作氣厲叫呼群庸洵、

助聲勢睥睨凌我要我酷歸來嘆息無自得兩

日財致酒一壺銜多償少意不慳弃我忽去如

逃逋重来聞寂不可聞依舊四壁編空蘆嗟余
雖貧日猶爨可不善為盍釜謨外戶不閉古則
爾今也盜賊通街衢乞錢買籬作藩固更學閔
捷防朝晡鄰翁問我乃何者得無亦以名自儒
王朝潭、聚冠蓋幾人不載卿相車子何布被
不蓋肉浪自名士實則奴假為無能等編戶猶
可自擇安閭閻胡為慘戚卒因此去矣何屋不
可徂此居早注不待說四高中下流無渠夏霖
連延久積注往、竈下秋生魚始來圖此不自

擇終見坐與蚯蚓俱何沉梁椽日一作本腐一
仆非爾力可扶苟求暫安急旦夕反以身就殞
壓虞迺知窮則失自愛死得正命有幾且翁乎
爾言誠得矣我方困甚非真愚

聞哭

冬溫春疫早死者晨滿街但聞哭子悲不聞哭
母哀孝慈愛益深剛壯氣則乖嗜欲奪天性情
思占妻孩詩三百具存聲已亡南陔人情古不
美况復嗟今哉

養賢

萬鐘豈不多財得孟子非千乘友子思猶曰須
我師古賢不易養不養則已而今賢養自易無
於古加疑

送李公安赴舉

行子冠上塵梁宋道傍土塵逐冠弊指人未還
復去馬蹄日月長踏盡西北路近者何絲一姿
狀頗秀舉傳言天子詔士得四方起來如鵲翅
翻去若蠅頭聚市兒屈指計過百日未暮昔周

方盛時得士纔十數唐虞此為盛中復容女婦
昔何稱才難今也寧異趣但恐所取異今古殊
尺度夫君乃高才久有及物慮今又奮絕去旋
技欲自樹余窮非所知久有山林素但無百畝
粟乃就群才賦仕道得亦嗟困窮失為懼二者
各有命子亦何所與

離高郵答謝朱元弼兼簡崔伯易

一本作令

去高郵元弼辱惠以詩乃強令答
既辭以行而思所享不敢默也

昔來何悠々今去亦泛泛豈自果進退姑且便

飲啗三代去今遼士食久已濫徒死不為義可
無苟石擔平生墮百為且就役鉛繫束身入世
程開口就人歎怒喜有失得眉睫煩窺瞰野鳥
或在籠山猿有終檻能安此為命雖失亦何本
所作何憾予嘗勇自明磨古得前鑑抱閑賢所容
較獵聖或暫庶未負初學尚為神所監子行人
之嗟我笑不為領子獨辱所厚以詩繫歸纜命
和始自書狂言庶非逸

東園贈周翊

嘗聞東園游觀嘉晚趁時節亦自到東風不知
來者多一日芳蹊踏無草山櫻着子寒尚遲江
梅殞蘂香可吊扶疎枝葉未成陰偶來正值斜
陽照千株紅杏暖自酣風引萬炬燒晴燥夭桃
未老已抽青略朱旗冠翠毒縣雖然素李不
爭華似洗朱丹誇瑩皓其他百種不可名如列
錦繡快暗曝何低何高何後先一一盡解承春
笑揚花輕佻竅得力飛過青天去何冒弱柳低
垂井辭賤以力憑風為春掃黃鸝嘲啁啁一本作

聲語和似對遊人見情抱胡蝶填委不知數飛
亂人眼漫顛倒黃蜂雖忙不為身以甘遺人竟
何道子規終日勸客歸吾無間然念何報嗟余
多病所趣乖又懶謹呼逐年少經年一春為嘉
時行過不恤每自譙雖然無酒不解歌素遊尚
少貧交召何時期子早再遊風雨不可但夕料
龍角歌和崔公度伯易

嘗聞螭出軒轅立其長百尋圍十牛民驚臣愕
爭論訓帝亦謂應土德脩賜螭傍海連十洲俾

朝食壤暮飲流仍命九龍狎其遊視龍有角急
起羞亟去訴帝龍可憂帝憐不可許為謀召一
龍食係其喉揮萬力士乘其頭披肉斫角塞螭
求螭取而冠萬鬼撇雷號電一本作雨泣竟莫抹鼃
擗翬踊吊蛟虬奮冗出哭勞鱗鱗入龍怒走乞
天讎天賜六丁皆劍矛取螭扳角磔大幽下龍
載帝問何由臣攀墮髯不可留竟去不知天所
尤龍寬雖復骨不收傳流下古說易一本作益浮我
聞其語疑有無以龍易螭理若不愛不知蔽似

有錄人皆傷龍為嘆啾我獨鄙其與禍投嘗聞
龍德神自周出飛子天入海休并此不處與
倚以養就人理固偷果死以此嗟何仇我未但
爰遺角觥是非欲竟理莫搜君學窮物功一本
捨捨其說引挽萬壘抽當有實論破衆度勉矣乃
投以釣海鈎

春人

春人輕飄喜聚散春筵笑長白日短柳芽嚼雪
噴晝寒挑花燒風作春暖春衣少年當酒歌起

舞四顧以笑和紅天綠爛狂未足春更不去將
奈何

送贈王平甫

士學何漫：近習忘遠紹文章多自名誰出得
高調子才希世珍拔俗起孤峭如解萬里駿不
以羈縻要篇章綴清新霞電絢天影一本夜歸
借之讀掩紙疑有耀洗手脫世塵飛身就遐眺
古骨誰謂柯死魄如可召縮手不願學神功謝
人妙余材生何偏日月費吟嘯收竒欲身名攬

古願獨吊平生勇前爭未始卻自料一日接大
敵說舌忽忘挑如秋九磨鏡迫我以醜照貪觀
朝日明退失兩目瞭願假斤斧惠刻形近天肖
寄声誠甚勤獻璞定逢笑

山陽思歸書寄女兄

淮風晴舒，楚水日夜流風能駕吾帆水可載
我舟余歸知幾時子望懸百憂念我兄弟寡商
參各殊州十年不一逢會合何所繇幸逢子來
歸與我相慰投甥兒入吾牽甥女出我留子吾

笑其間貧不知可愁心如熙春陽樂若醉九酬
憶我別子日將行更逗留泣恐傷子心淚出仰
目收別日財幾時別思日九秋心隨西北風日
望東南樓主人仁且賢憐我羈旅遊晨粳玉炊
香暮酒金注甌盤蔬羅春青豆脯蕪夕繡為食
豈不美義咽不下喉要當歸子同半菽飽亦優
始予志所學義當望軻丘竭來與世評衆口忽
起咻嘗現世金朱此道久已偷胡為不奮去附
世如贅疣而子亦待人特以貧不謀參差兩如

此偃蹇勢略侔要當共引去逸出世網罟遐迨
避世徒子與侍巾裘吾將亦娶婦力以石臼求
買田結埽廬種樹屋四周子居課桑蠶我出鞭
耕牛教妻績以筐使兒餉來疇坐笑忘歲時聚
首成白頭歸乎當何時詩以侑子謳

大舟

大舟無風帆不舉小舟榜入青冥去舟中漁子
呼且歌夜半鬪魚誰得多

望花有感

春來幾時余不知但恠日、柳稍好我嗟無地
自種花常恐東風只生草誰家有園不可入時
時縱足信自到寒梅最香落已闌桃李雖遲亦
顛倒高枝飛鳥夜踏空低樹狂兒日摧拗惟餘
零落滿地紅主人更聽奴頻掃歸來四顧慷慨
歌要且傾酒澆顏醜春歸欲挽誰有力河濁雖
泣庸柰何

小雨

一夜風聲驚屋破四鄰叩壁呼我賀久知旱勢

非所期果見雨逐浮雲過庭塘流注已有餘田
泓不露亦何奈一作那雷嗔電笑竟奚為幽人空
廢南軒卧

餓者行

雨雪不止泥路迂馬倒伏地人下扶居者不出
行者止一作本午市不合人空衢道中獨行乃誰
子餓者負席綠門呼高堂食飲豈無弃願從犬
鼠求其餘耳聞門開身就拜伏不起呵群奴
喉乾無声哭無淚引杖去此他何如路一作本旁

少年無所語歸視紙上還長吁

世言

紛一作本世俗言病一作倦客久厭聽聖賢沒已遠是
非久無定六經紙上言黑白欲誰證獨有自信
人中得不外競

暨陽居四首

出無王事牽入不治居舍蒿藜一作菜入墻屋塵
垢變几架糟糠苟無憂智力取自暇逢詩即廢
日得客輒忘夜積懶遂成性習勤反如詐幾不

類急傲愧耻将何謝

身非爵與官車馬久不謀家無田食儲雀鼠非

我仇朝出從人居詩書講前修暮從兒子嬉歡

矢何所憂閑将筋力疲懶使志慮收斗楛尚煩

一本送誰謂能無求

自吾暨陽居已見月四周流年不我謀寒暑忽

已道老來何足嘆一本苟死固可羞于今用力

薄暮蓋将何收

斯道久泯斯人固憇歸豚非吾心在礼惡

不酬從人効屈伸俛仰豈一本自由於命有當

然信矣何足羞

寄題宣州太平縣衆樂亭為孫莘老作

今君架亭衆荒幽得地適與萬景投亭成雖名

為衆樂地僻無客誰與遊訟休民去吏隨散獨

有文字與今留把書開闔坐自笑回視令職忘

早陬昔聞酒賤喜易醉今說魚美子一本何憂

彈一本橫琴有声尚近俗要解絃絕以意求况持

高懷屈下邑志氣略與彭澤侔身嬰民憂手持

一本
作提
我耳目私相離亭前行跡不破草庭一作亭下野
鳥常喧啾山雲朝噓翠嘯出海月夜下清溪浮
春華夏蔭已可愛况使風雪一作馬回冬秋惜予
不得與快意共上岑萃望九州黃山聞好眼未
識夢想欲到迷無由圖傳粉墨固未好願假壯
筆一攬收果逢來篇騁雄勝一作本君執造化窮
凋一作本鏤一作本搜一作本一時文工豈不偉千里寄我何
以酬耳昏俗語久欲洗為我一謝山前流

謝客二首

擾、車馬客各一作本以勢利奔自問閭巷人何
為亦紛、與客成往還勉就俗所敦礼不經聖
人頗厭後世煩欲問無所得歸視紙上文以非
孔子心尚拜陽貨豚乃知偏反問心跡久已分
去矣可奈何更問來者門
蹊、出何為奄、歸就卧不知身所謀徒與俗
相和一作本無声利求一作官久厭車馬過詩書雖滿
前奔走不暇坐收身衣食餘抱病歲月破得不

勝所忘進亦一本何可課前躅杳一本難躋下
愚旋易一本作益墮得勢有然爾命矣何可奈一本
作非知自一本作一本

春遊一本城西遊

春風誰相呼鳥語到庭戶罷書起何遊一本繫
馬城西樹寧須客衆隨聊與春相遇高林美風
竹疎影有清覆可以便行坐解脫快巾屨日長
天地寬飄戾飛雲度風枝綠未柔一本日芳紅
先露芳辰信可尚嘉興惜無寓舊聞黃公壚韻

一本枉壯士願予雖輕數子自適偶同趣起解

身上衣就賞青旗酷獨酌不待勸一本作興至
還自注對物無所語似若喧譁愚雖無歌舞歡

幸可篇章賦乾坤本閑暇人物自紛遽勞生曷

不樂歲月失已屢酒闌起四望落日不可駐飢

馬自知家何須問歸路

遊江陰壽寧寺

寒蕭枝上風蜩螿以秋告黯靉道旁樹綠蔭涼
可冒况承積陰餘急一本雨蕩晴昊初涼逞一本

作新威宿暑懲舊躁漫一本出門路端可

誰造江声洶西奔海遠劇東到中間可行望洗

滌一本去塵一本抱况於林阜間古屋架晴燥

蚊蟲稍歛收軒户可淹傲惜乎余獨遊不可一本

自作携所好踟躕佇歸步風竹冷相勞

賦黃任道韓幹馬

天寶天子盛天廐吐蕃入馬上天壽紫衣馭吏

徧坐前騎入都門不容驟西極首荷得氣肥六

閑飛皇卧羞瘦千秋一本作殿下誰把筆當時

人無出幹右傳聞三馬同日死魄到紙氣方

就鐵勒夾口重兩銜墨絲卵尾合雙紐天門未

上人就觀老胡驚嗟失開口生搜朔野空毛群

死断世上無後手當時天子惜不傳送入御府

置官守胡塵勃鬱燕薊來宮闕蕭騷既焚後誰

弃千金出手收足踏萬里避奪走幾經蹂弃道

邊塵今日寧無紙上垢蹲前病客不識盡但驚

馬氣世未有西北駿骨無時無生不逢幹死空

朽世乎無能不肯休任使氣骨陋如狗

甲午雪

平居汨：喜自墮萬事過目不省窺一年南北
 兩見雪未始把筆成一詩朝看氣象浩茫味夜
 歸瞑想通幽疑夢乘虛空謁帝所硃磧象柱承
 瓊瑤坦塗壁壘相照射鶴扇虧蔽狐腋帷帝旁
 鮮：舞萬女寶綃雅冶吹裳衣累日本貫瑤
 錯組佩斥弄朱黛素兩眉撩搔王母戲華髮袒
 脫一本作姑射事膚肌提璫擲珥互投報顧我
 塵垢加笑訊其傍臨：立萬鬼帝所寵與借色

辭密阿細紵賜裘烏笑齒發露寒差：諸神歛
日本避不敢望弄唾墮落成珠璣朝懽戲怡弄
 煙霧暮慨吁一本吸成雲霏互偷天帑購黨與
 散布日本作萬玉分千珪統羅練穀不計數一本
 計較逆取倒曳交橫披鞭驅巨靈劫夸父揮斧
 解繫日本作閔星机東現颺墮壁角南頽禿
 鬮亡斗箕其它雜日本莫分辦徒見漫亂
 如羅篩雷公爭前泣訴帝至此豈可無省知願
 分羽衛勅一本天討助以積電千山日本作齊

金神擁道日本作按行道後乘駕以萬玉蜺寶

刀日本作翻夾鐵盾玉戟勾子橫珠旗天日本

霜日本作窮天圍磨

作風蕭々吹縞素貝甲合陣日本作窮天圍磨

弩挿羽注萬矢雖弩競發相聯飛茲窮詐極不

保守引組自縛相連歸纍俘奏日本作惟闖天陞

越雉枝羽按舞儀帝呼祝融付焚弃散灰下地

無留遺衛朋索黨計輕重新斬戮屏翳囚風師扶

桑瞳々露軒豁日御復反天衢馳覺來四顧駭

皓白心與恍惚爭是非冬雷無声電不照疑亦

衆鬼乘其私天高地下非所職且可把酒無嗟

治

廣陵先生文集目錄

卷第六

日蝕

送曹杜赴試禮部

遊蔣山作

對竹

暮竹

野步

古風

斬口道中

贈廬山老居訥

旅次寄寶覺訥師

寄呂惠卿吉甫

答逢原

寄崔伯易

寄孫莘老

夏日平居奉寄崔伯易兼簡朱元弼

效古

送朱明之昌叔赴尉山陽

學子

出門

雜詩

寄滿子權

梅花

金山

客次寄王正叔

南山雪

廣陵先生文集卷第六

日蝕

錢塘山人大署壁曰十月朔日旦蝕坐者跳起
行者留愚聞之驚智為惑我時過市偶自停眩
兩目視闢耳聽自嗟身賤不有位安得置此誅
四刑惟此丙申日在未天面黯鬱昏不霽舉頭
仰日已半虧群陰得志雲不披塵亟欲開鏡尚
掩誰把白壁塗之泥大哉玄象浩一本難測安
有庸人以術得天乎反成豎子名不念吾皇禳

以德吾聞日名為大明先一自出滅月星今乃
為之成薄蝕安得君子不為小人乘

送曹杜赴試禮部

一本作送曹杜二
君杜名照字師雄

霜風琅々鳴鼓輦鳥寒夜噪樹折枝居者不出
行者歸厖馬解嘶車棄脂長河夜冰舡就維百
賈晏起朝閉扇為問當今行者誰出門千里到
何時毋送拊背父嘆嘻見惜欲去哭挽衣上馬
反顧紛涕淚非所願欲去何為冢雖有田豐歲
稀所得償公不及私况望羶腥事庭闈結髮從

學今十暮始自有志徇孔姬豈願從世成依違

高堂華髮紆素絲暮年待子為光輝望我日久

莫報之苟得一笑辱弗辭况望日本三釜家無

飢吾於二子久所知恠其才高所就卑今乃語

此誠可悲近聞天子爰典彛欲撥舊冗收新奇

子行出仕適其期驂驢得路無街羈罷酒行矣

無自遲去取天寵酬親慈

同孫祖仁王平甫遊蔣山作

山形鬱盤陀石路隨直紆一本蔭松坐與長飲

作迂

泉百煩除憶望江上樓采翠橫晴虛愛之不能
去取席卧與俱若逢佳賓客不假外礼拘意愛
交自然笑語略可無常思一往遊杖屨窮昏一本
作朝晡忽從賢豪招氣類喜不殊更以有酒隨傾
馮談笑餘仰濟蒼崖巔下視白日徂夜半身在
高若騎箕尾居懽餘悲感集論說追古初在昔
天下哀群姦起相屠相地視八極懷險歸此都
全吳既臣魏餘晉仍避胡此山古所瞻形勢高
四隅遊者昔為誰名字不見書想當出塵樊盤

礪望八區固宜有高興何亦妄滯濡憶在初元
年虎狼出當塗衆豪泣相盟萬甲聚一呼樓舡
下三江千里懸旌旗忠謀屈巨猾弱力張遠圖
乞靈訴明神至此嘗舊本踟想當得請初勝
勢先群誅雖時幸成功偏反已可吁豈無當時
人縮伏巖下廬約身甘賤貧卑勢無憂虞坐視
擾中同為禍福驅我當明時來木石聊自娛
遺祠今莫問故邑已成墟歸謝山下民相期在
犁鋤

對竹

竹風何撩一作寥蕭畫靜發寒籟脩纖諤天官揚
揖縱玉佩豈無俗子過自會幽人愛心虛中養
恬即密外禦介春萌喜含養夏籜竟分解無花
與物爭有蔭亦人賴威、南山鳳爾飛何時扇
日奔道遠不寧飢寒枝久虛待豈非繒繳虞安
有羽翮憊當奈葉間蟲蟲爾所食壞

暮行

晴煙去人高暮色上天半山街日入深雲佇星

出緩塗昏歸鞍長林近去翎短悠、宵偃慵衍

衍暮行款南城岌高躋近野匝回但來期遐思

舒暮會所見罕星、颼風燈歷、吹月瑄一本

靜繁遺世喧清思破塵懶心通江海浮舊本清氣

塞天地滿茲興將誰同舊本作見葦未宜算

野步

久嬰末俗喧脫舊本作去就綠野靜方求巾屨便那

暇賓客命林紅落春哀草舊本作桑綠爭夏盛時從

老農語久佇行子聽謂言勞苦後各以一本作相與

閑暇慶時逢，瓶盞沽亦有。肴核稱喧嘲，忽無次
歌唱仍相詠，酒闌絲起坐。白髮忽一本兩凭見
乘旁樹嬉牛，卧前籬。瞑予方困俗，累愛此近天。
性何當從之，歸買舍與相並。

古風

古風何寥疎，世方盛夸慕。利塗劇先趨，直軌迷
曲駐。渾九河翻、百川注，分爭或多歧。歛
枕終一趣，睢盱承至歡。警疊謝絕怒，財得升斗
多。勉售形骸，雇不知萬鐘得孰與。一白裕况承

丘山羞願易，頃刻遇誰能。脫近役自放，就遐鷺
航湖足芟魚，技野馱。芼茹行招千古遊，坐與來
世語。延風敬虛襟，揖月坐嘉樹。此意固有然，一本
作自童兒未堪預
有尚童兒未堪預。

新口道中 三首

舟行邈棲遲，江流瀟排蕩。魚驚躍或出，鷺下飛
何颺。交游偶相捨，偃息聊自放。回首失匡廬，雲

霏暮方上

稍

一本作

江上雨声入窓壁，寒悄

舊本舟

中人曲肘自枕眠安卧不成寐起生浩長歎離
家日逾百行路忽已千昔與燕俱來今見北鴈
還道里苦不通寄書如弄指風水相噴薄歸期
渺無端空令秋夜夢反覆如循環
維舟泝江流人力與水爭回視東下人恍如御
風行誰能倒長江奔寫暫西傾聊用快客意何

憚魚龍

日本
作鸞鷲

贈廬山老居訥

訥公匡廬老詩句整以雅標韻樂天淳不肯外

禮假所居遠城市絕俗就閑暇高崖道路惡亦
為佳客下余雖昔所聞相見今乃乍愛其語言
好超絕忽世跨馬昇就其居燈火共清夜惜不
見其壯已老吁可訝高才可施用售世嗟無價
臨別更何論共是忘言者

旅次寄寶覺訥師

一本作旅次
寶覺寄訥師

小雨破宿暑曉風忽為道山深樹翳陰蛸蛸應
已秋清坐想高絕語言誰應酬豈不念一往抱
病終自留羈旅少往還有來或非倚命僕一謝

之縱我冠屨休移床上高堂解書散床頭於此
有嘉興念世誰與謀獨思山林人日本作林下人茲意
可綢繆何當買田廬共遂丘壑遊

寄呂惠卿吉甫兼簡林伯通呂詩附

竣、門外馬客至知謂一本誰昔面尚未逢那

論心相知揖客拜上堂一作本拜謝客辱弗遺

寒暑相問酬唯諾坐無為靜默近尤怨多言足

瑕疵一作本勉從客所論還顧所學非念此廢無

益對書生長一本作為此嘆無獨思同懷子

念遠莫見之豈無寄我書歲晚得苦遲聞頗困
王事豈無閒暇時况有同僚賢相期在書詩人
生天地間常苦食所糜去就兩莫謀會合寧有
期余病不自樂舊學益以墮一本作墮近者非所

同遠者勞夢思江水日夕東道塗宛而夷寄書
當在勤無謂還往稀

答逢原
呂惠卿

晨出趨長司跪坐與之言偶然脫齟齬相送顏
色温歸舍未休鞍簿書隨滿門相仍賓客通歎

午僅朝餐平生性懶惰應接非吾真况乃重戕
賊良氣能幾存就夜甫得息閱我几上文開卷
未及讀睡思已昏、自知小人婦昭、復何云
每於清夜夢多見夫子魂側耳聽高議如飲黃
金罇覺來不得往欲飛無羽翰昨日得子詩我
心子先論恠我書苦遲友道宜所敦豈不旦夕
思實苦案牘繁豈無同官賢未免走與奔相見
執掌間有言無暇陳嗟、茲世士無食同所患
念我力難任聞子謀更艱久知為之天安能怨

窶貧吾聞君子仕行義而已焉亦將達吾義肯
遂為利牽東海有滄溟西極有崑崙古來到者
誰不遇數子尊子已具車航吾亦為楫輪欲一
從子遊不知何時然

寄崔伯易

擾、問卷士遇我何所為屢來徒我煩不來我
弗思少年樂知聞喜與客子隨晚歲事恬默與
世益參差騎馬出尋人中路輒自歸、來亦何
樂書史自相期已與往者親可無茲世違欲語

無所得起視北鴈飛念子遠千里昔別今已暮
寄聲雖云多所得竟亦稀近者忽報書期我往
就之不知予苦窮繫此不可離尚迫朝暮憂寧
有道路賀人生少所同老去財幾時予勢既君
此子復不肯來但恐百年間齟齬終莫齊詩以
寄子招亦以寫我悲

寄孫莘老

默々不自得勞々非所任不與君子逢誰復明
此心偶客來自南只有千里音知無木索勤頗

復山水吟對之為一笑欣如獲千金宣城風物
佳古語昔已忱太平又其古道塗邈幽深溪流
渺彎環山勢屹抱臨况復寂寞人黃緩事陸沈
公田林既收客席酒屢斟悔予昔南浮不往一
就尋波濤忘日月疾病廢古今歸來就羈銜外
慮日已侵適時愧非才對客輒自瘖譬如火灸
一本膚暫忍久莫禁唯思百畝田為可足釜鬲
作灸投身脫世籍斂足蹈古箴寄言所同懷相期在
中林

夏日平居奉寄崔伯易兼簡朱元弼

天風變春和晝日差夏永門闌一本庭閉無事燕

雀去益靜紛翻詩書帙弃散懶收整時來就枕

卧復可取窺省心恬逐物閑迹闊與世屏鮮

南山暖秀色上脩頽一本苟嫌一本逃安坐慵還

可一本遠遊騁自綠智能薄反得閑暇幸交朋

久相遠踈懶欲誰警

無庭下樹陰影日已敷癯閉門人篔席自

卷舒高枝就懸冠曲枝掛裳裾一本還來從此

息卧視詩與書相門外客從徒駕驪駒不知

來何聞一本乃肯顧我問呼兒往應門謂言出

在塗非我敢厭客非客與我踈以予拙語言無

以得客娛一不當客意恐與世患俱不如兩相

忘何能効紛如

効古

流沙不勝車弱水不載舟謂言行子歸無苦事

遠遊寄子素絲裳聞子衣苦單失今不來還歲

一本晚將柰寒

送朱明之昌叔赴尉山陽

朱侯拜書天上回去以身試百里障青衫飄若
風外荷借馬載出塵土上準眉新見天秀如
三繫馬萬里望身軀雖小背腹寬沛如絕海橫
秋漲久宜脫絕事高致豈願卑冗勞俗狀高堂
華髮親老矣四海無家寄几杖世外言高信獨
奇人前腰拊嗟已強尉官雖小俸雖薄猶有餘
錢買甘養想當家惟奉顏面綵衣躬一本率婦
子餉說見女戲滿前累諸兄坐相向人間

此樂不可幸一笑自足百辱當時清固應稀盜
賊俗弊寧不煩笞榜好偷閑暇事簡編一本作
思我寧一本無文字况

學子

瑣來學子從我問古風謂一本吾言古之人學
不求世功以其明智餘施與天下同能知學為
身自不恤窮通童子顧我笑是言得無蒙斯道
使可遵曾不聞父翁謂言童子歸盍自謀厥躬
吾不能爾言一本作吾亦不必爾從

出門

出門將何從中道忽自思彼懷與爾殊亦合念
子歸樂有詩與書遊有山與陂誰言竟無從猶
有影自隨

雜詩一云古人

古人重非道飢不苟豆羹有為非其心或不脫
冕行如何後世人以官業其生鄙哉樂欺人猶
以學自名

寄滿子權

昔心何悠々今學益漫々莽如浮江河一本作滄海

浩不際崖岸生雖樂文字勤不償几案重編空
堆塵折簡久枯汗徒如陳市肆表列環四畔已
無探討勤胡可賢否按零丁晚觀玄泯戒舊習
彖得指來歲期夫忘去日筭嘗聞勤墮間已是
愚知判蒙羞欲何顏避耻愧無翰不能繩已急
何力禁人叛文章觸世嫌議語限客竄時牽好
惡卑俗撓是非乱早衰奪舊剛多病襲新懦心
經衣食難事廢米鹽半何謀脫身去割跡與俗

斷耕荒食新收鑿室復舊貫念生如冬冰至死
僅春泮其間能幾時何恃苦自緩翩、淮南英
顯、士林現方子未為遊辱子昔同閉篇章觀
新華論說聽橫捍包奇晚自走去實王府玩近
書何相撩頗以名見謾不知老者拙弃此久已
斷之斷子方勇自樹解轡縱新驛行期拾春青
采綬綰歸腕垂日本離思舊歡遷從就新絆無
琴雖自歌有酒欲誰伴閑暇當寄詩持此資質
擾

梅花

風吹冬晴夏春暖江梅艷、橫新枝經年不逢
間何久忽此相遇如有期初開珊、尚寂寞仙
人綴佩懸瑤一本璣後日重来不可辨漫、月
樹留寒輝清香芬敷去何遠可惜不使蝶得知
遊人爭至無日夜對之但笑果喜誰不知春工
用何術持造萬物皆可為得非各使出所巧約
與鬪競合一時不然裁剪未易給鞭役衆鬼寧
不噫終年成功一本財幾日旋亦墮壞良可悲

傳聞昔時大烹享九牛合鬲羊豕隨一取所實
薦滋味神啜不吐人食宜安知後世無所用兒
爵不美還棄之古今萬事皆若此為爾遠樹成
嗟咨

金山

長江從天來意欲以地分西山避之逃東山開
為門木石舊本作石木所不捍土沙固隨奔東西兩
通海勢已無宇坤如何中流居獨過萬里渾坤
維賴繫縛地靈煩窺捫不然已飄泊兩分不相

存禹力所不除夫意固可論余欲沉一本九淵
下視萬古根畏強激常情中立愛此墩詩成欲

誰和舊本作知感槩心徒煩

客次寄王正叔

夜長夢反覆百瞑百到家歲計晚未成客愁與
日加長塗千萬門何地容我過而子壯亦貧與
余同一歎

南山雪

世於利祿不擇義苟可走奪足恐蹉家儲千金

吝銖兩不敢盡費烏一本用多百年到一本死
財袋日恃若固有理則邪莊生嘗以富為病爰
其放達與俗遇南山夜雪爰犀玉舉以賣世售
幾何山翁固亦富自喜稚子無諂旧本貧猶歌

廣陵先生文集卷第六

廣陵先生文集目錄

卷第七

短諠

暑旱苦熱

贈杜漸子長

交難贈杜漸

答友人以下闕

答道士王元之

客抗思李常伯滿粹翁及衡父子權因

寄

夜生

寄焦韞叔

采選示王聖美葛子明

古興

中秋望月

病起聞說貪山頗有泉石遠不能遊

衆鳥

贈周伯玉下第

送僧白聰

雜詩

答友

送崔伯易歸

觀漁

山中

快哉行呈諸友兼簡仲美

壬辰三月二十一日讀季翰林銘示杜

子長

慎交

西園月夜醉作短歌二闋

春夢

廣陵先生文集卷第七

短詠

窻前燈冷暈重綠窻外西風葉相逐曉霜被瓦
月上軒夢枕不成鴈聲續拂衣起步行遠壁萬
慮無成淚沾臆鐵房老劍澁不青悶擊入柱不
可索白畫出門歸路迷冬日易夜還空歸人將
豪傑視如草天困英雄未與時長鯨滯斬海波
搖塞甲不卷邊塵鷺吾徒顯賴乃一本我如此安
得長喙呼重霄

暑旱苦熱

清風無力屠得熱落日着翅飛上山人固已懼
江海竭天豈不惜河漢乾崑崙之高有積雪蓬
萊之遠常遺寒不能手提天下往何忍身去遊
其間
贈杜漸子長
吾鄙少與合杜子愛所多直木有正性深源無
亂波蓋少蔚未冠心古先已睹卓哉金石姿勉
笑勤瑕磨

交難贈杜漸

兩鼠共謀渴相飲期入一本水一鼠下繼缶一
鼠上街尾前鼠以之跌一本後鼠以之死鼠死
何足噫夫人終可悲平地把手笑乘崖撥足擠
賊防易為力壯健完牆籬交防難為人笑面惡
肝脾前日信其是今日悟其非安得先知明有
如灼大龜然則柰之何期子同吁戲

廣陵先生文集目錄
卷第八

寄王正叔

不願漁

雜詩效孫莘老

雜詩呈逢原

呼鷄

江上四首

飲客

江城

效退之青
水中蒲

霜風

孟子

過揚子江

晚泊

姚堅老見約偶成

初聞思婦鳥憶昨寄崔伯易朱元弼

望招隱山花回遊江山思崔伯易因寄

朱元弼

同顧保之遊靈隱

揚子江阻風

山中

出門萬事非

南徐懷古

東城

餓虎不食子

松江曲

枝已高懼風顛已下憂人窺欲集更自翔既安
復重移烏巢又生烏復哺猶可期鳩巢亦有巢
毋死子後飛嗚呼造物者於此竟誰尸

寄王正叔

微生不過人氣力兩眇麼力學失自謀徑古趨
今左病世相陷賊樹性期剛果豈不中是時然
亦未嘗過柰何衆好殊未語咻已夥俜獨何
之去、銳亦一作益挫忠言不售耳直面屢得唾
怒目瞋以環謗口焰而一作如大出門先自羞一本

作有衣悅疑裸過市不成步侶拒倖鼈跛周旋
不出扉迷若蟻循磨人惡固為甚自厭近亦頗
媚世定有術欲學從誰可必也泥自售一本恐
由此始禍賢子遠相問幸有以教我得報速是
宜翹企不容坐

不願漁

終焉

一本作身

可百為不願為漁子當時渭陽人自

是

舊本亦作

直鈎耳今非結網心豈有得魚喜試身

風波間持用泰妻子古今同為漁意義不相似

採薇南山阿歸耕南山下食苦心無虞守約自

閑暇出處皆古

一本作有

義在理無用訝今人舉一

隅何足語學稼

雜詩效孫莘老

孫詩附

魚鰕無所能動輒因人得蛟鯨能則乖覆舟取
人食龜鼈雖謂殊剝剝同一劇龍不入網羅亦
不為人識

犬羊養於人壯則人食之猛虎嗜人肉

一本作能食人

終一作亦昧獵者猓豺狼與狗同為害必豈威封

一本狐能為人還作行子妻

雜詩呈逢原

孫覺

鴻鴈最知時未逃羅與網不能忘稻梁千里安
得往鳴蜩腹空虛見啄因其響丹鳳穴九霄虞
人常夢想

呼雞

雞呼雞來前犬喉犬至止夫豈必可召役以食
乃爾今吾曷為悲人而雞犬為自計無自存西
山謝夷齊

江上四首

風推平江起長瀾野客坐嘯酒在顏興來就上

南山觀固應散髮游更好何用美質加弊冠

夢載十舟勝一鉤曳絙萬里懸十千飽食身至

東海投還踞泰山待魚食所得果可舖九州

山頭斫竹下作竿繫鉤沉水坐岸觀餌微水濁

魚不干棲遲終日或有得歸去猶可旧本作取妻子

歡

江頭風平可照水衣冠面日略相似與我同笑

固相喜何用妄携客子来不可與語祇相視

飲客 一本作青山

青山何巖：江流自渾：欲錄白石道先自長
松門其間有萬景軒豁忘乾坤適可得以心不
可為客論安得山水交共無世俗言携琴寫古
声酌泉求清源適時固雖 一本作已本 踈謀道豈不敦
誰能歌此詩侑我飲客樽

江城

江城酒熟賤賣 一本作買 醉江人提魚不到市半道

得錢相 舊本和 歌翁倒子扶相枕睡江南山高
不見天江北水遠無復地馬驚墮崖舟 舊本覆
波可惜行人死声利

効退之青：水中蒲

雙：水中鳧足短翼有餘飛高既能遠行陸事

安 舊本作安事 俱

雙：水中鳧来疾去閑暇江湖風挽 日本作晚 波泛

泛自高下

雙：水中鳧已往又回顧弋者窺未知舟来避

還去

雙々水中鳧常在水中居還有籠中鷺騰軒仰

不如

雙々水中鳧食飽不出水靈鳳來何時鴻鵠志

萬里

霜風

舊本作冬夜

霜風裂寒窓餘響到我牀聞鼠有噬聲不省何

物傷兒呼須我起顧無燈燭光伏枕置所念去

夢通扶桑

孟子

孟子不肯比伊尹仲尼方可一作且期文王聖賢

自得一作待固厚重庸俗好以己較量微生喜以

佞面一作本為詆臧氏惡非礼所當惜哉二子不自

重一作本思以人可否何不詳

過揚子江

長江來何從遠自西極唐中破蜀山流始與巴

水兼川原日混合激射勢益嚴奔渾萬里流不

自頃刻淹駭如瀉天來急若赴海添潮汐日往

復旦暮難安恬攻衝氣何雄吞齧勢未厭因思
禹功成自匪克謀愈久已口効噲豈復頭今黔
余未方冬時怒風何沾：掀轟駕高浪山阜相
聯粘有如合萬鼎就沸烹羣儉天陽盛焚燂鬼
力爭息燁聲勢欲狀說有口嗟如箱須吏稍收
斂晴風蕩氛霏溼澄動自息拭痕無纖宛然
帝女鏡仰照青天奩遐觀清神心俯視分眉髯
有如堯舜時惠澤四海霑登賢默與慮流惡聲
無沾洗除巖穴空蕩滌昏姦穢思波浩滂沛浸

潤咸滋漸羣山西南來垂天下帷幃霜風日凌
厲紫翠生觚廡無波互澄照黯慘盡一鱣扁舟
出中流俯仰迷顧瞻人生貴自便苟信何用占
方期謝黃塵竊身放蒼兼閑從魚鳥遊默想蛟
龍潛築室近日本作釣岸峻崖挿居簷行春撥
芑薇坐晚登鱗鮎仰思峻極高俯愛善下謙更
於虛曠間日放詩鋒鋸行求避世交望醉江城
帘出處要皆道終窮亦何嫌

月形如張弓下影射秋水寒江風靜時遠日失
洲吐魚歌去時唱歸和謹未已豈無人間樂自
快適為喜客子有倦懷歸心動秋葦更暇滄浪
清聊用洗塵耳

姚堅老見約偶成舊本作贈姚秀才

初正布新和餘臘爭近候升騰陽力微惟怯老

陰關江雲蕩空碧舊本作疎作朝雨沐清晝林

稍釋冬枯土蘂壯春蕪萎蕤風日舒刻畫山野

秀閔：先春鳥格磔弄晴味無人與調和去聲終

日自嘲詬雄君卜近適過我計來就遷延日屢

嗟嘆惜月復殺人生誠多故世事那可究唯當

自推置障絕俗慮冠休閑儻能偷疎懶當自宥

徒行苟憚勞惜馬欲誰厩清醑如定携佳可客

先購勉之無倓遲梅萼舊本作藥已堪鞮

初聞思歸鳥憶昨寄崔伯易朱元弼

去年春日花盛開嘗有鳥啼歸去來余詩告爾

東海志子笑屬我南山杯將晞遐蹤蹈高軼就

拔去跡離俗埋同時游者最誰上朱子峭擢凌

春材門閉午景一本影臥正懶過我呼號如春雷

鄰驚偷舊本窺婦女恠婢駭奔日本走見童吟門

開納坐聽論列笑口侈哆傾背懷寒菹半菽要

同飢壘醬叫乞喧鄰隈僧從南浮橐日本異角

尉解西去亭遺臺心爭誇漫一本誕誥蛇蜿日樂

虛豁留崔嵬柳梢驟全晴絮杏萼燦翻遺

埃春湖平渟照空碧淮帆曉上捲天梳西歸頗

阮窮餓久南泛未免丐乞哀竭來隨人事卑折

忽自顧影漸低摧平時客坐不敢語苟以唯諾

償嫌猜膏中約結浩千萬到口不吐如橫枚比

來頗自撥俗礙日傍竹樹良徘徊昏萬事置

不省知己踈懶心難裁一聞春風動啼鳥猛若

重睡忽喚回咨嗟歲月急若失嘆息無地安蒿

菜比於見人日加懶行恐合日本接俗老益乖不

知飄浮寄茲世竟亦何計收形骸春林沾風

日好飛止自便宜爾諧何為猶尚歸不得世間

萬事真悠哉

望招隱山花回遊江山思崔伯易因寄

朱元弼日本作

春山曉日開百花紅紫亂眼相交加青一作晴本天

晴一作青高褰翠幄繡被堆疊帝所家平江千里

鋪一席扁舟脫若棄履為安得一醉眠千年世

間萬慮一作本都棄捐

同顧保之遊靈隱一本作遊招隱

閉門不知春到出城始見江梅開行探幽泉

至高絕共坐巨石聊徘徊時逢天風吹客過還

有野鳥驚人來林間所惜所未歷歸馬空載斜

陽回

揚子江阻風

揚子江風十月初西駕巨浪東無隅常憂傾搖

地為動意欲起塞天無虛大舟不行就繫岸小

舟分去爭得魚舟中壯士起坐笑有酒更為斜

陽酷

山中

山中亦有出山路山人自不與世通拂衣起行

飲流水枕書就臥聽松風地寬江河競搖蕩天

闊日月爭西東乾坤自為四時役萬事不到幽
人胃

出門萬事非

一本無
下三字

出門萬事非聊復閉閣坐親識久相遠

一本作
去眼

與世絕吊賀適時既非謀接俗益加墮外物等
不必何問來客過

南徐懷古

昔人戰血化為土今人常懷昔人苦大江真
截海流鐵甕城高排萬虎乾坤未定龍蛇爭日

月須歸仁義主江山本不為雄英英雄自負江
山死

東城

昔予出東城初見壟上耕忽、自北至歲月今
人驚雖云一草死萬物尚華榮誰能當此時歎
息微陰生

餓虎不食子

餓虎不食子飢鷹不雌求虎餓不擇肉盛怒過
子收鷹飢爪啄獍尚與雌同耕人豈二者然思

義宜綢繆親戚不宜怒割恩以為雖此割非常
割此傷無血滿肉割愈有一本作日思割傷不
休一割大義死一本再割面相仇親戚尚若然
况又佗人倚是已與世絕於世何足尤

松江曲

松江深處八九尺去眼百里長風波吾山井泉
廢不汲一泓不知深幾何居家自無千尺綆那
知江深不如井

廣陵先生文集卷第八

廣陵先生文集目錄

卷第九

贈王介甫

贈王平甫

贈孫莘老

思京口戲周器之

舟中作

寄東伯仁

題假山

夜歸

口占示姊附姊答

和孫莘老赴太平

露筋真女廟

滄

寄聲隅先生

春愁

少年答春愁

和朱元弼春遊

春日

對花

靡

觀水

讀孟子

鶴

寄朱元弼

春遊

龍池二絕

月蝕

偶感

偶成

寄滿子權

寄洪與權

上聲隅先生

春晚雨後

良農

瓊花

夜深吟

和人春雪

紙鳶

贈別晏懋父太祝

和洪與權逃民

題蘇太尉廟

春雪有感

古鑑

代人送張待制

代人送張卿掛冠

謝東文

和來熙之雨後

寄滿衡父

出居寄滿子權

偶成

信筆

蟻娘

答王簿正叔

秋懷寄子權

滿詩附

送仲寶叔赴秦幕

從先師求花

九日寄滿子權

上黃任道

答滿子權兼簡衡父

寄滿粹翁

寄滿衡父

冬陰

次韻立之紅葉

次韻立之紅葉
次韻立之紅葉
次韻立之紅葉
次韻立之紅葉
次韻立之紅葉
次韻立之紅葉
次韻立之紅葉
次韻立之紅葉
次韻立之紅葉
次韻立之紅葉

廣陵先生文集卷第九

贈王介甫

當世曾懷萬古淳平生才術一本作老經綸况

逢堯舜登賢日不復伊周望古人得志定知移

弊俗聞風猶足警一本起斯民九門無謁天旒邃

可惜長令仕為貧

贈王平甫

當世所立識者稀十年聞子幸見之平生所負

自信重他日可期人莫知誰昔一本草茅窮釣

一本

築世方簡策，誦臯夔大夫出處誠。何較却痛蒼
生為淚壺。

贈孫莘老

至愚不學常如足，盛德之亮久自彰。管小始疑
天可盡，硬窮終信海非量。始慚自待從來薄，不
及時中適取狂妄得。此生天與幸，沒身得不去
門牆。

思京口戲周器之

江南別日醉方醺，貪愛青天帶水痕。忘却碧山

歸路直，誤投浮世俗塵昏。終期散髮江邊釣，當
有漁舟日繫門。但恨故人猶喜仕，他時肯腹未
堪論。

舟中作

杳、波濤去窮莫，要湏流合海無東長帆百尺
嗟無用，醉絕重湖矢逆風。

寄東伯仁

身逐南舟去，不迴匡廬留。滯得裴回峯頭夜宿
平看斗巖下，朝陰俯聽雷西顧。波濤浮日月東

歸天地入塵埃何時得遂幽棲志常把韋編靜
處開

題假山

擾人心巧謂何我腸愚只愛無它自前好且
留平地浪愛山高險自多

夜歸

衝、行路自多岐已踏歸塗尚慮非夜犬只知
人是盜不知人亦夜來歸

口占示婦

盜竭囊空且笑歌更從吾命聽如何不須直有
牛羊樂只以無求富自多

和孫莘老將赴太平

無求子樂我何悲且與兒曹并日飢子道合人
終不苟有求雖欲可從誰

先生素志已形詩弟子何妨鼓瑟希時若伊周

方有任命如孔孟可無歸要終四海棄梓去高
謝西山食粟非此道難言身未果且當從世共

依違
紛々世俗競朱金仕道人々說直尋但以一官
求養志豈於千古有遺心嗜徧羊枣情何甚戲
及牛刀意自深何日山林遂歸計南風追講五
絃琴
露筋貞女廟
待夫以死如知命信已輕生可謂貞指爾為愚
今尚衆莫言吾志不難行

淦々輕雲弄落暉壞簷巢滿燕飛歸火園桃李
憂愁卒々人無樂花草紛々物又春安得無憂
與無慮對花還作笑歌人
源々世俗尚依違靡々風流日正微吾病未能
終是々人言何似喜非々况當天下難能地欲
撥檢人未發機要格君心是知術不然應合買

山歸
觀水

細如蝦蚓足留連大可蛟鯨亦自然常使川流
應到海只令坎止亦成淵民憂不見堯咨日地
礙何由禹鑿穿可惜卧龍無意思不隨雲去雨
春一本田一作秋一作讀孟子
去梁無故又辭齊弟子紛々益不知天下未平
雖我事已身已枉更何為後來誰是聞風者當
世何嘗不召師士要自高無顧世遺編今亦有
人疑

鶴

毛羽人將鶴品流斜陽高處自遲留人言殺爾
三年旱應是巢成更不憂

寄朱元弼

春城春雨綠春潭冉一本作歸舟上去帆爰

子有詩留我別悔予無酒伴君銜東風隨卷行

人袖落日猶明去客衫好有新詩寄幽寂我心

孤一本作無泊似搖旒

春遊

春城兒女縱春遊
醉倚層臺笑上楼
滿眼落花多少意
若何無箇解春愁

龍池二絕

滿目塵埃白日陰
皇天無命且深沉
終當力卷滄溟水
來作人間十日霖
盡道神龍此有靈
一池澄靜暮痕清
如何蟠屈無飛志
却放鳴蛙有怒聲

月蝕

盧仝不作韓愈死
天目雖育未
一作孰
見嗟坐嘆

一本
清光無惜處
一將吞吐聽蝦蟇

偶感

種花紅不實
俗客醉仍喧
技去樹嘉穀
日無人

過門

偶成

壯志老未退
窮愁無易攻
風雲詩氣蝟
天地醉心宵
午枕着不覺
晝門闌更慵
由來自踈拙
底處不相容

寄滿子權

西北風吹數紙詩神門樞鑰鬼閔機九原黃土
英靈活萬古青天霹靂飛我是懦夫無壯志近
思依日竊餘輝高樓暮挿晴空助東望君心著
翅歸

寄洪與權

劍氣寒高倚暮空男兒日月鏢心骨莫藏牙爪
同癡虎好召風雷起卧龍舊說王侯無世種古
嘗富貴及耕傭須將大道為奇遇莫踏人間齷
齷蹤

上声隅先生 黃晞

夫子儒門傑心誠行六醇玉金精粹美椒桂性
芬辛一入隨邦計咸期利國賓生民待儒効天
意屬人倫蜀犬爭驚日鄒人不識麟窮途千古
淚白髮四方塵弊世誰思救仁賢自合振爰狙
徒食費好鶴浪軒馴不結臨川網偷安措火薪
忠言驚苦逆恬議貴因循漆軌書三上清時死
九濱不思防蟻壞徒欲衛龍鱗當道豺狼腹升
堂犬馬器旱餘雲不雨命塞器藏身獨抱遺經

老來為後進陳手提三聖出口壓九師埋眾耳

雷霆震羣觀日月新章編重一本斷絕文席互

酬詢魯變全歸道陳糧絕更貧賤生無自辛俗

繫弗容親益覆徒經日龜埋不復神短詩徒自

訟已伏下斯民一本春晚雨後

東風柔弱事春摧劇雨無端轉愴然不惜好花

都委地却令遠草直平天龍蛇久蟄應思奮蛙

烟一本乘時已自先綠柳由来却堪笑葉眉愁

劇遂長眠

良農

良農手足胼老賈不親犁歎歲糠糟絕高門犬
馬肥天心不宜咎人理自誰尸安得悠々者來
同予一悲

瓊花

無雙亭下枝密々復稀々蚌碎珠駢出鬚牽蝶
合圍會須珍作寶常恐散成飛况是東風後一本
暮作遊人莫易歸

夜深吟

叩几悲歎涕滿襟聖賢千古我如今
凍琴絃斷燈青暈誰會男兒半夜心

和人春雪

莫嘆年來雪句遲雪遲詩句更依微
風冰海國監波涸春入仙田玉氣肥
雛鶴暖嬌搖羽脫老龍枯痒退鱗飛
天工人代如端的安得吾能及九畿

紙鳶

誰作輕鳶壯遠觀似嫌飛鳥未多端
緣乘一線憑風去便有愚兒仰面看
未必碧霄因可到偶能終日遂為安
扶搖不起滄溟遠笑殺搏鵬似爾難

贈別晏懋父太祝

縮伏蒿萊聽命沉舊房孤劍鐵塵侵
方思力舉滄溟水潑殺生平氣焰心
不謂偶君誇意氣無端起我舊曾襟
男兒合是公侯器未忍風前墮淚吟

和洪興權逃民

溝中老弱轉流尸夫不容妻母棄兒常得民愚
猶是幸不然死等更何為布衣空有蒿萊淚肉
食方多妾馬思若也天心省民數未知死所欲
何辭

題天長縣蘇太尉廟

唐室無臣覆手移坐看悍媪制庸兒思量可惜
當年死却是西來問鼎師

春雪有感呈王正叔東徽之

彼雪晚何遙乘時橫此臨必將滋及物自盍大
為霖也道春來好何餘臆後陰冬冥誠不道蒼
帝亦何心俗口誇同粉愚觀謂似琳獨於平處
薄不似險中深逾吹爭為力凌寒苦助一本作
侵落疑天未悟壓恐地難任戶開重墮冰魚上
復沈欲開花謾姑垂死草奚禁短韻徒堪嘆憑
君附入琴

古鑑

一片靈光合有神不知鑿鑄竟何人春耕破冢

衣冠盡鬼手摩天日月新
鑿面祇西知子姪照
心難一本見比干真主人深有收藏意當待清
明不受塵

代人送常州致仕張待制

心貪進退適全宜
上印飛書劇去
翬薦口不加
張東老明朝竟放孔
戮歸黃堂合有遺思在青
史還留後世稀
此去江河見鷗鳥為言今合信
無機

代人送常州張卿掛冠

清優四皓官蕭灑
二踈顏直道空華髮
明時獨買山如聞
元老議尚恐輒輪還
誰是塵埃者清風
合自攀

謝東文

卓鄭簪裾密作林
相如貧病強來臨
藜羹才飽無它志
肉食俄充有愧心
死馬偶能逢市骨
濫竽常恐負知音
古來一飯皆論報
何日王孫遂有金

和東熙之雨後

獵：風吹雨氣醒一本誰翻碧海踏天傾如何
農畝三時望尺得官蛙一餉鳴何處斷虹殘冷
落有時斜照楚分明雷車收轍雲藏迹依舊晴
空萬里平

寄滿衡父

甲午十六

隻卓來篇不許雙杜壇高處立

一本旌幢自知

孤敵難為勝欲豎長幡一面降須學依牆勤哭

楚莫同伏弩助收龐何時玉手歸重搦笑倒秋

醪漱灑缸

幽居感懷寄滿子權

乙未夏

卜得幽居四絕鄰尋當庭巷新歸輪門前犬豕
卧橫道城上牛羊下視人滿眼夕陽閑草樹回
頭歸路正埃塵思君未有東來一本作計何日
雙眉對面伸

偶成

十日九自病偶平還若吟萬金無枉志千古有
遺心靜隱支憑几寒搔髮解簪南風久寂寞誰
繼五絃琴

信筆

紛々世趣竟多塗失在從人得在吾苟獲一時
兒女笑定罹千古聖賢誅微生何事疑人倭孟
子當年亦自迂滿眼悠悠懶商較盡留來者議
賢愚

蠅娘

擾々蠅娘不足評區々只逐糞九行若乘飲露
嘶風便入作人間第一清世言蠅娘寔
蟬驗之或然

荅王簿正叔

訂借

電青霜武庫兵絕幕烽煙沉遠候太平金鼓雜
謹声淮西司馬新恩重魯國儒生舊望清黑瞻
赤心男子事大昭長劔大夫行待垂賈誼言餘
餌就試終軍請去纓縱不首傳函報死亦須頭
係背笞生當年功業鯨鯢盡振古勲名日明月
莫嘆暫從紅幕去待於歸望碧幢迎愚兒若黍
書功筆永信燕然有舊銘借此韻

從光師求花

我有歸心不可寬憶君花好舊嘗歡若令醉眼

異鄉見定作故人相好看知有靈根分容易却
憂貧地得春難只應蝴蝶還相識飛過東風又
可嘆

九日寄滿子權

懶將衰病照清流為有歸心欲白頭幸自好花
開便笑不甘為客見成愁長歌欲強秋風醉高
處先輸俗子遊我在無聊元亮死當年今日共
悠悠

上黃任道

當年論及笑常情誰使風波忽沸騰空有赤心
包白日竟無綺語敵青蠅重来赭面還如大自
許清誠卒似冰反覆來篇却堪嘆待將遺恨寄
朱繩

秋懷寄呈子權先示徽之兼簡孝先熙

之滿子權
答詩附

樹哭寒蛸草哭蟲何堪羈客憤時窮卒無可樂
羣書外百不堪言一嘆中雲黯暮天沉白日土
塵平地斷清風夫君若問秋來况淚滿遺編髮

亂蓬

次逢原秋夜見寄

滿執中

病對園林萬事空，肯將寂寞感涂窮。
消磨壯憤詩書外，破碎閑愁笑傲中。
霜苦亂虫清叫夜，夢寒孤竹冷敲風。
思君別有悲秋意，不為南湖一釣蓬。

送仲寶叔赴秦幕

秦關千古有雄名，秦地寧時息戰爭。
草野英雄無敵國，朝廷勲德倚長城。
錦纏紅帕將軍府，紫

冢世無雙舊材，資第一良山川儲地秀。
日月合

天光遠觀，低千古洪声，歷四方道如天未喪子。

讓世誰當文斧，摩室運儒工，縮手藏鎔金，斥溜

垢截玉出端，剛進復軒義，舊禪縫典，誥亡誇傳

爭噍，問望蔚堂，章甫通期冠，緇裘詎合衆

計量遺文，引收取竟尋常，有漸雖宜賀論，才固

在傷偶來官簿，版何異仕牛羊，客有裝垂橐，時

窮道括囊，貧財完豎褐，義不及妻糠，劔折終羞

屈蘭遺不改香，幸偷容足地，恥學及羹牆，同日

如無善當年尚取狂
互鄉前事在北面有先望
君唱柰高何君休我試歌
古今愚智府天地是非羅
何日功名就青雲日
一本作歲
較計此竟誰多

寄滿粹翁

心愛滿夫子論師不敢交
誠明大中性二五老
陽文後學誰思進吾蒙
久辱包思之無見日夢
把客門敲

寄滿衡父

寒葉落儘
荆榛刺出柯
四鄰松竹少
晚歲雪霜多
茲世居無可勞
生計柰何此心須
見子不敢向人歌

冬陰

寒雲慘四垂
萬景浩成悲
白日不可見
青天自取欺
晚煙先夜色
宿雨借寒成
借韻
泥潦莫相沈

西風會有時

西風會有時
次韻立之紅葉

雨露三春少風霜一夜多從來有根本不怕下
枝柯楚岸楓相屬吳山橘與和秋居好相慰醉
色伴吾配

廣陵先生文集卷第九

廣陵先生文集目錄

卷第十

聞富并州入相

寄黃任道

答劉仲美

舟次

次韻子權京口夜宿見寄

答孫莘老見寄

登郡樓

感憤

聞邕盜

登瓜州迎波亭

聞鴈

憶潤州葛使君

何處難忘酒十首

送錢公輔赴舉

春興

庭草

春怨

暑中懶出

暑熱思風

悲秋

秋日寄滿子權

次韻介甫冬日

白雞冠花

去草

次韻和人古松

大松

松

和人隻拍

惹竹

落葉

不雨

雨後

約僧宿北山庵先寄平甫

和人久雨

對月

夜月

孤雲

晚晴寄滿子權

晚虹

春城望湖

樓上望湖

江上

野外

暮歸馬上口占

小酌

餘抗倦遊

送和祕校

送聳隅黃先生

送周器之歸潤再索

送庭老罷尉金壇

送李定尉濠梁

送東微之入京

別陳藥院

寄介甫

奉寄黃任道

奉寄朱昌叔

到潤望竹林寺憶朱昌叔

奉寄伯兄泰伯

奉寄崔伯易

寄滿子權

寄李君厚

寄滿粹翁

強顏寄任道子權

招夏和叔

贈崔伯易

贈裴仲卿

寄都下二三子失舉

李南夫罷舉歸隱

甫里

次韻朱昌叔見贈

次韻滿子權見寄

和東熙之論舊

謝東文

答許勤之

答劉成父回愁詩

廣陵先生文集卷第十

聞富并州八相

元首賡歌樂股肱四方維遠

一本喜聲盈忠賢

不死天心在輔弼終歸聖慮精中國自今應更

重本朝前日可嗟輕要須待見成堯舜未敢輕

浮作頌聲

寄黃任道

勞生衣、歎何如去髮紛、日一本滿梳萬古

聖賢同夢寐百年天地只蓬蔭詩書計出田園

後歲月期收道路餘安得優游似濠上共將談
笑戲觀魚

答劉仲美

多謝劉夫子慇懃寄我篇何時共盃酒一笑似
當年歲月回霜雪生涯廢簡編終期收晚學茅
屋送一本歸田

每次

梢、脩竹夾溪斜樹繫孤蓬泊淺沙風力引雲
行玉馬水光流月動金蛇村醪客聚還成市晚

釣舟橫便當家山野生涯本閑暇誰令客子自
勞嗟

次韻子權京口夜宿見寄

寒江漠漠客帆稀獨泊扁舟望翠微已寫綠醅
聊自適更邀白鳥共忘機水闊海月寒初上一本
作樹盡秋城碧自圍嗟我相思邈千里不來同
此兩忘歸

答孫莘老見寄

高門鞍馬日光榮勢力紛、起共爭偶以不能

聊自便敢於茲世獨求清生無人愧寧非樂死
有天知豈待名客食官居同是苟何須稱別異
平生

登郡樓

江城朝雨濕晴煙樓上風帆送去舡苟得息肩
閑歲月時來開口笑山川田園啼鳥三春日江
海扁舟萬里天何計脫身來此老青山白髮兩
忘年

感憤

二十男見面似冰出門噓氣五蜺橫未甘身世
成虛老待見天心却太平狂去詩渾誇俗句醉
餘歌有過人聲燕然未勒胡雛右不信吾無萬
古名

聞邕盜

病中雙泪語前流藜藿無端肉食憂常歎平時
輕死士未知誰手付天子好將弓劍隨軍去况
是英雄得志秋若使班超終把筆由來何路取
封侯

登瓜洲迎波亭

海面清風萬里寬
偶來如已脫塵關
自嗟客世無虛日
却被斜陽占盡山
海鳥不來青嶂靜
漁師歸去暮江閑
從東雲水有期約
直待功成是厚顏

間鴈

可憐飲啄鎮隨陽
何處聞時最斷腸
萬里波濤九秋後
五更風雨一燈旁
乾坤莽莽連舟楫
繒繳紛紛幕稻梁
安得人同羈旅意
悠々南北不

相傷

憶潤州葛使君

六朝遊觀委蒿蓬
想像當時事已空
一本作清談事竟空
半夜樓臺橫海日
萬家蕭鼓過江風
金山寺近塵埃絕
鐵甕城深一本作高
氣象雄欲放
舡隨明月去
應留閑暇待詩翁

何處難忘酒十首

何處難忘酒君臣
草昧初謀臣偷賊
膽力士一本
作翰凶勑日月明
將霽乾坤害欲除
此時無一

蓋何以壯一本作為又 雄圖

何處難忘酒天心渴太平焚山急賢出拔草惡

姦生議盡芻蕘口歌回雅頌声此時無一蓋何

以快一本作鴨 輿情

何處難忘酒登賢入用初一身兼一本并稷高四

海再一本作望 唐虞去聖千年恨明時一日舒此時

無一蓋何以酌亨衢

何處難忘酒王朝四海中魚鳶上下樂羗狄朔

南通萬玉叢丹陛千簪合辟雍此時無一蓋何

以樂成功

何處難忘酒君臣一本宴豫謀安年羣一統一本

作無口議將然閑暇開元後優游大叢前此時

無一蓋何以慰遺賢

何處難忘酒王臣立蓋方郡邪終自直萬死不

推剛社鼠一本作 傍難塞龍鱗逆易傷此時無

一蓋何以洗一本作 憂腸

何處難忘酒窮才世不知出門無直道開口礙

當時白髮無端速青山不忍歸此時無一蓋何

以慰一本作蕩憂思

何處難忘酒窮邊壯士歌寒弓彎未試秋劍拔

新磨月落陰山暗沙昏伏甲多此時無一蓋何

以陷前戈

何處難忘酒挽槍世不平孤兒未勝甲嬭母送

為兵氣絕心肝裂號窮血淚橫此時無一蓋何

以活餘生

何處難忘酒亡臣復舊遊黍離經故國一本作土麥

秀悼前羞遠目何勝盡行車逆自留此時無一

蓋何以謝悠々

送錢公輔赴舉

廣廷簪紋立差肩黼坐雍容一本作第一本衆

賢士得采衣如畫錦人瞻婦馬若天仙况提巨

筆乘時出應有高文與世傳我以踈慵無壯思

聊傾病耳待江邊

春興

眼前紅綠日加增欲遣春愁興未能安得好花

渾自實使無閑地得生剗欲一本願圖長醉貧無

計起逐東風，懶不勝芳草。斜陽正柔一本作姿媚益知高處，不堪登。

庭草 乙未四月

庭草綠毵毵，庭花開自開。長鴻抱寒去，輕燕逐春來。時節看風柳，生涯寄酒盃。傷春欲誰語，遊子正徘徊。

平時已多病，春至更蹉跎。惡土種花少，東風生草多。客愁渾寄淚，野思不堪歌。獨有詩心在，時時一自哦。

春怨 乙未五月

掃地待花落，惜花輕着塵。遊人空春戀，踏去却尋春。

春來還自有遊人，常是春歸獨念春。落後見花尤更惜，不知誰忍掃和塵。

三月殘花落更開，小簷日下燕飛來。子規夜半猶啼血，不信東風喚不迴。一本作春風喚不迴

暑中懶出

暑雲無雨易飛揚，早日當天不可望。浪走俗塵

無遠到不如嘉樹坐餘涼已嫌風少難平暑更
被蟬飢取實腸夢到周公財我事如何陶令說
羲皇

暑熱思風

坐將赤熱憂天下安得清風借我曹力卷雨來
無歲早盡吹雲去放天高豈隨虎口令輕嘯願
助鴻毛絕遠勞江海可憐無際岸等閑假借作
波濤

悲秋

歲事荒涼晚易悲西風日夜動一本寒威秋來
寡婦尤勤織誰是行人未有衣常恐哀顏隨節
換空看落葉倚風飛從來最是悲秋者何況悲
秋客未歸

秋日寄滿子權

一本作寄乙未
任道子權

樓前暮靄暗平林樓上人愁意思深未必薄雲
能作雨從來秋日自多陰三年客夢迷歸路一
夜西風老壯心欲作新聲寄遺恨直絃先斷淚

盈琴

一本
作楸

次韻介甫冬日

客夢愁生枕，雞號喜向晨。
朔風能動地，短日更催人。
宮柳看埋凍，江梅想漏春。
淹留歸未得，塵土暗烏巾。
白雞冠花
如飛如舞對瑤臺，一項春雲若剪裁。
誰為移根莫英畔，玉雞知應太平來。

去草 甲午
耗 出土初如直弱，隨風競自斜。
謾借人鋤

勞剗拔只消，夜雨又萌芽。
良田力盡農天嘆，直道春荒志士嗟。
滿目青，盡蕪蔓更於何處問。
一本蓬麻 作問

次韻和人古松 舊本無上五字

直枝難立 一本與鳥徘徊地瘦根孤 舊本作礙石

回山野不逢，終更老問閻。
無用始為材，更無匠

伯身嘗過祗有幽人眼，暫開誰與 一本東 一作春

風記霜雪爭，今平地肯栽培

大松

十尋瘦幹三冬綠一畝濃陰六月清莫謂世材
難見用須知天意不徒生長蛟老蛭空中影驟
雨驚雷半夜声却笑五株喬嶽下肯將直節事
秦嬴

松

直道峯日蚪拳雷拔僵龍出靄煙一本作長
枚宰之華

雷臥橋拳但假深根常得地何憂直幹不扶

天雖然世匠遺掄度肯與凡材較後先可惜春

一本風愛桃李獨令霜雪漫年一作東

和人雙栢

一時封植由誰力萬古樵菜偶自全不惜以材

同失地好留更老共支天人疑久有神靈守客

愛生無雨露偏為語長松號孤舊本作高勁得秦封

爵果何緣

慈竹

不求丹鳳食不學景龍吟自有慈仁意相依歲

月深潛符君子道可愧世人心徒爾秋郊外青

數畝陰

落葉

暮秋木落剝霜紅
俄覺平林一夜空
茂逸本憑枝幹力
却辭枝幹逐西風

不雨

去歲秋霖若決川
今春不雨旱良田
道邊老幼飢將死
雲外蛟龍懶自眠
赤日有威空射地
清

江無際謾連天
誰將民瘼牋雙闕
四海皇恩一漏泉

雨後

毵、柳色綠垂齊
草引青天去自迷
人說春園有尋路
我嗟荒徑正行泥
蝶多平日渾如夢
花好誰家又有蹊
兒女狂嬌隨馬逐
一本作狂高
嬌懶相逐
眠可惜日垂西

約僧宿北山庵先寄平甫

上人合動山間興
吾恨衰遲學謝安
納屐操筇那有限
吹雲落雨謾無端
先憑報信春枝破
預想分題雪屋寒
林下不諳人世苦
笑將霜鬢與君看

和人久雨

拂、春郊起綠煙，羣農日、望豐年。龍移海去，
遺天漏蚓，得泥深樂地。穿憶酒，有心吞俗價。傷
春無語，寄哀絃。無田却作無憂者。贏得豐凶一

聽天

對月

柳梢地面絕微風，一片寒光萬里同。冰骨直疑

潛裏換塵心。一本都覺坐來空。蚌胎有露珠成

顆蟾窟無雲玉。作宮莫恠幽人吟到曉。不知清

興自無窮

夜月

可嗟落日去悠然，便有羣星出見天。夜月自明
人自愛不妨人亦閉門眠

孤雲

一片孤雲逐吹飛，東西終日竟何依。旁人莫道
能為雨，唯恨青山未得歸

晚晴寄滿子權

常恐朝陰至，夕曛好風吹去信。多勤得逢白日

忽開眼可惜青天上
有雲安得直梯懸
碧落共操長簪掃妖氛
恨無玉纒充天耳
堙鶴鳴作一本林
鳩願不聞

晚虹

晚虹隨雨過山巔
誰插青雲倒掛懸
可惜兩垂空到海
不令一直徑衝天
不堪暮靄難作一本相
蔽常到斜陽亦可憐
好使渴來能劇飲
且教溪

壑減清淵

春城望湖

春城綠野鬱相望
閑客閑來興自長
不見暮雲成宿雨
空看芳草到斜陽
花生惡土終成笑
蘭不逢人自信香
誰作一本雖有塵纓無處濯
生觀漁者滿滄浪

樓上望湖

樓上人腸渴欲枯
樓前終日望平湖
無舟得往滄浪去
為問漁人作一本得意無

江上

幕、荒城沒遠煙
暮雲歸族忽相連
春江流水

出天外晚渡歸舟下日邊杏萼春深翻淺顯柳
花風遠聚晴綿無錢買得江頭樹輸與漁人繫
釣舡

野外

綠野愛平寬偶來成永歎材兒駭車馬野犬吠
衣冠亂草無閑地斜陽有去鞍良田半蹊徑始
信直行難

暮歸馬上口占

林密村

暗寒鷓

一本作鷓寒

處

啼水先連野白

雪意逐雲低風勁僮呵指泥深馬失蹄客心兼
暮色歸去兩悽

小酌

平生從事謾徒勞時以休閑近酒醪東海可從
誰自重南山如與客爭高老將日月來雙鬢生
委乾坤寄一毛更展韋編探高絕懶從人世問
滔

餘杭倦遊

醉倚秋風笑自攻偶來還去景何惊已夫鳳鳥

吾不至行矣鱣鯨非所容且把心曾同伏虎誰
知頭角是真龍歸乎伊畝如難得死爾西山尚
有從

送和祕校

野客從誰忽解顏樂間高論厭樊間致身富貴
時寧少仕道功名古亦艱好脫青衫從我老當

分白月與君閑扁舟

聞一本說明朝別何日本

作早音書可到山

送声隅黃先生

黃風吹土截天橫瘦馬着鞭驅不行尚說苦心

酬直道誰知白髮為蒼生平時夷虜恬忠盡常

日公卿足仰成雖有英雄無用處却令去老買

牛耕

送周器之歸潤丹索

何須別子始沾衣久有江南去夢飛為語青山

幸相望壯天終不白頭歸

送庭老罷尉金壇

心無畦畛見天真落、男兒七尺身莫嘆一官

淹聖代聊將三釜慰慈親月明空照居民淚風

急愁飄去馬塵寂寞西軒人別後海棠花好為

誰春尉廳百花一侏其大庭老閑軒以為遊賞之所故有是句

送李定尉濠梁

直道無適可小官真謾論夫君自行義而我更

何言獨柱難為力橫流不柰渾此心持送子飲

淚當前樽

送東微之入京

出處身之道窮通命有時九門無直謁千里去

一本何為一本南畝春耕近西風去馬羸白雲

况多恨歸計莫令遲

別陳藥院

客居平日有誰親一夢三年百病身為道難言

輕感槩羨君無病更醫人

寄介甫

天一本門簾陞鬱一本魏勢利寧無淡泊識

難與跡徒爭有道好思吾黨共舊本言歸古人

踽々今何取天下滔々昔已非終見秉桴去滄

海好留餘地許相依

奉寄黃任道

蒿萊日日沒幽居時得新篇亦自娛為有遠懷
希稷高或時飛夢見唐虞久諳末俗難謀道益
厭庸兒妄問儒絕筆斷絃無意寄笑將遠目睨
清一作本虛

奉寄朱昌叔

丙申

勞勞忽忽一本作勞欲誰從要有田園去自終
哀俗未知誰得失古風期與子窮通三年客興

看一作本秋葉萬里歸心寄斷蓬知有世嘲無意

解一作本自慚踈懶過揚雄一本作自期

到潤望竹林寺憶朱昌叔

嘗與幽人過竹林重來無一作本地豁煩襟青山

欲去誰堪語薄俗相期不到心何計江湖終隱

約去隨魚鳥問飛沉塵埃聞說難為客早晚歸

來憶舊吟

奉寄伯兄泰伯

心迹牽羈逐勢分一生襟抱向誰論十年漂泊

迷南北千里憂思厭夢魂書托遠懷期日月眠
和哀淚望乾坤何時得就歸來賦老守桑麻聚
一門

奉寄崔伯易

功業嘗聞亦有時可能天命出依違終甘世態
真何道不得吾心自合歸一本作厭從流俗學
依違已知茲世非吾

事况有斯人起我歸廊廟得逢應有義草茅雖老尚知非
秋來客况無它異時向舊本西風誦或微

寄滿子權二首

後一首一本
作寄梓翁

窻前午柳夢忘還門外清風晝掩闌天下誰當

千古後休頭自笑六經閑能將道繫窮通裏安

用身干進退間自愧公心猶有蔽清時無日不

思山

終年謀食亦何得浪取窮愁只自侵餓死有時

非正命勞生幾不愧常心百年此去塵埃在一本

作滿萬古從來意思深莫說山林是輕往窮來無

計得山林

寄李君厚

一笑東風去十年重來稚子已差肩脫衣呼客
家聲舊把酒論心士氣全病驥遠思牽直道老
鷹秋夢入青天自言出處身無累一把窮通寄
自然一本作自
言暮出雖
寄滿粹翁
滿子吾逢久皇、未見閑老成終到孔^窮死亦為
顏學術思無際誠明去一間吾雖有心者力若
未能攀

強顏寄任道子權

強顏求世欲何從甌石時、得復空何日能無
寒餓役此身得與聖賢終人生汲、須高致世
態渾、未易窮安得相逢共相語荒城回首又
春風

招夏和叔

一本作招
夏和叔學

矻、銅鑄役俗兒六經塵土有誰吹我追往聖
思前躅子苟安行即後時大遇定為當世福不
逢猶作後來師思量最是男兒事此外吾曹不
足期

贈崔伯易

崢嶸惡面挿蒼鬚中道時、自笑呼但恠佯狂
輕去俗果聞高論足開余惡看富貴庸男子喜
見徜徉隱犬夫我是自高無許可今朝為子一
長吁

贈裴仲卿

匣劍光芒射斗牛持携天下洗人讎英雄心膽
老猶壯道路風埃行未休名重更須字小節義
高何必論閑愁濛、細雨陵陽市折取重梅上

酒樓

寄都下二三子失舉二首

翹、教子拔羣倫落筆文章妙有神清世暫時
遺琬珠紅塵終不卧麒麟淹留京国三年客牢
落江湖一病身得喪窮通雖付命雙眸忍淚已

沾巾

太學蠱監共苦辛寒窓筆硯日相親梁王臺畔
一分袂揚子江頭三換春篋裏黃金須買酒鬢
邊白髮解欺人窮通得喪雖能定况是男兒有

此身

李南夫罷舉歸隱

夢寐風儀近十年塵埃無路覩雲天
清朝未得榮簪紱黃卷何妨樂聖賢
物外高情誰與共人間佳句已爭傳
欲知富貴終難動一片丹心本寂然

甫里

甫里先生得古風放身全入隱淪中
足磨漢榻星辰動筆挫吳天物象空
往事歌尋人寂寂舊

田安在雨濛、當時引重高才者誰是曾來一
畝宮

次韻朱昌叔見贈

雖無才力可人羣偶有誠心與古親
茲世幾人能不富此身何恤不終貧
生無簪紱身寧屈死有詩書志尚伸
自匪與君嘗素計斯言何敢易謀人

次韻滿子權見寄

當世雄圖不可懷退居蒿艾自沉埋
門無來足

荆生道病不能鋤
草上階自是直方
違世易况將踈懶
合人乖無由與子
同樵種回首平林
浪可柴

和東熙之論舊

當年韶亂偶同門
觴口重来已十春
仰嘆早成渾屬子
始知老拙盡輸人
火煙論友勞薰灼
桂蕪為生合若辛
待看聖門堂與去
願持箕箒掃遺塵

謝東犬

喜赴西招足屢蹉
自慚愚鄙取無它
能終未學生何幸
得活諸孤賜最多
愧面未甘徒已矣
報心全寄命如何
湏知下客終思用
不必時時彈缺歎

答許勤之

不作明堂柱石一本作唐虞稷契
臣要當歸去老江濱
不知何處田堪買
拋却降生一片塵

答劉成父四愁詩

倦客維揚一本作淮南
每自悲有時雙淚等閑垂
眼

前所識皆庸我天下為憂可語誰把臂便嫌逢
子晚開膝仍見起予詩捲舒萬徹吟千古此後
多應手有眠

廣陵先生文集卷第十

律